

畿

輔

安

瀾

志

畿輔安瀾志

臣
王履泰恭纂

永定河卷三

故道

其一支西南出涿州東固安縣北又徙縣之西又徙
縣城南上奪廣陽鹽溝琉璃挾活胡良諸河道清渾
交錯爲患最鉅

諸河詳
涿水篇

方輿紀要巨馬河在固安西南二十里志云盧溝

河入縣境復分流在霸州界謂之巨馬河或謂之
安陽河周顯德六年世宗遣先鋒將劉重進據固
安自至安陽水作橋謀取幽州會有疾而還建文
時燕王駐兵固安渡巨馬河卽此 一統志琉璃
河南入涿州界亦名清河自琉璃橋東行可四十
里折而東南可二三里得挾河口又東南二十里
得巨馬河口又東南七八里爲茨村正西去涿州
三十里東岸有渾河決入之口土人云舊時渾河

從固安之故城村決而西南至茨村東北合琉璃河遂直衝茨村分爲二後渾河漸徙而東至康熙戊辰始盡掩塞不復相通而琉璃河遂南入新城縣界其故道由涿州東逕固安永清東安霸州界今皆爲渾河所奪 固安縣志桑乾河自盧溝下流入縣境明嘉靖初徙縣北十餘里東流至縣東紀家莊北分爲二萬厯中又徙縣西十餘里東南流經黃垆之北而東入霸州界尋又徙縣南城

隄下後又徙縣北榆堡店又徙隴家莊

本朝順治十一年由縣西宮村與清水合流而南入新
城縣界

謹案水經濕水篇又東南出山過廣陽薊縣北酈
道元注引魏書土地記在南之文證其誤終不及
涿固以下可知此水雖在南而下流未之改也隋
大業七年征高麗行宣社禮於薊城南桑乾水上
桑乾之在薊南可知也金史本紀世宗大定二十

六年五月盧溝決於上陽村湍流成河遂因之盧溝之決而西南出實始於此大抵水性就下亦東趨金元之世以其偏近都城恐有衝突不得不閉東流使之西南注拂逆其性乃告厥災然止及於東安之境元史河渠志書渾河決溢在武清者二在東安者一卽鳳河所行之一支猶未及固安也

明洪武十六年濬桑乾河自固安至高家莊八十

里

見河渠志

永樂二年十月修固安縣渾河決岸

見實錄

則固安之被水殆元末明初之會乎

本朝自康熙三十七年開河但令不使直奪琉璃諸河更不使漫入白溝爲京西南之患然自固安以下導入霸州玉帶河計其方位終不離乎西南也旋有柳岔之改則漸移而東向及范蠡冰窖屢改下口至今北大隄之放水東趨之盛於斯而極且又合於古入筒溝之故道然而上流仍出固安則其西南一折未能全改所以今日防河之患全在於

此每年伏秋大汛又固安舊道有二一支由西

督移駐固安防守

南入新城抵雄縣合白溝河一支迤南抵霸州合

拒馬河之下尾又會南易 其入新安縣者謂之

清河自縣西北境南趙村岡頭村公村即官村至蘇

家橋與清河合東岸爲義上村駱駝村石家莊丞

相莊孫家莊王馬店西岸爲新莊明村固城村河

頭滿老堊桑葉以下入新城 界此順治十一年

所徙也其入霸州者謂之故道自縣西北境北村

逕楊僊務北岸爲西徐村公田村馬大人村金撥
拉又分二支一由公主府對岸爲唐陽村又東北
逕縣城十里鋪隄下又東南逕劉村其中曰柳泉
東南爲西時村嚴村韓寨村馬房村王旗營焦堡
賀家營又家鋪而東入霸州界南岸爲新莊村翟
村沙陀村雞城方村與金撥拉一支分派其中爲
家移村北岸爲石家務無爲村高吳村琉璃村半
邊店沙堡翟村趙家莊南岸爲彭村張村白隄村

黃堡村楊家莊城郭村其中爲牛塢堡

一統志牛塢堡在國

安四十里至蒲州接界堡周八百丈久廢今有集往來者以爲中頓爲縣巨鎮

又東北逕

王龍村紀家莊而入蒲州界此明萬厯平所徙也

並在縣城西南境康熙三十七年所開之新河則

在縣城之東北境 又案固安縣志築城記築城

於己侯黃公

黃名奇遇廣東揭陽縣人

治邑之六年乙亥之冬

乙亥歲爲明崇禎八年是時渾河直抵城南十里

鋪之隄下間或水溢殆與隄平故築甬城以備水

其在固安縣西者名玉帶河

固安縣志玉帶河自良鄉臧村發源迤迤而南流入縣境先在縣西二里許有橋梁以通往來萬曆四十二年渾河水泛溝道爲沙所壅後徙縣西十五里孝感村之東至冬月水結旋繞合村如玉帶然河原無名邑侯秦士奇命曰玉帶河今涸謹案此似卽清河爲琉璃胡良挾活諸河下流而以玉帶之名被之非保定之玉帶河也

縣東之馬慶屯名馬慶河

固安縣志馬慶屯在縣東二十餘里雨集則盈無
則涸

謹案渾河自知子營東南分一支逕馬慶屯下流
至解家務入永清縣界之見小營北大王莊今俗
名屢河河乃故道也

又有東湖西湖

固安縣志湖在縣東八里相傳白蘆等口水逕炒

米店東南流瀦於此南北濶十里東南盡縣境乃九河支流其地有東湖西湖村

謹案此亦舊時洧河之水瀦而成河後爲渾河所奪其地北接新安莊蓋淵而不流故土人以湖名之志以爲九河支流不知所指大約廣陽鹽溝琉璃胡良挾活諸水然欲確鑿定爲九各亦不可得也

又西南入新城縣之東北合於白溝河

二統志故渾河在新城縣東三十里舊自順天府
固安縣分支流入逕雄縣東北界入霸州自明以
來遷徙無定

本朝順治十年水大漲由固安縣之故城村南泛溢縣
之東北下入雄縣康熙十一年復歸固安三十七
年永定河工告成始不入縣境 陸隴其畿輔地
圖記桑乾河一支入新城縣境東轉流入霸州

新城縣志白溝河在縣南三十里源出山西代郡

涑山至涑水定興爲巨馬河至新城爲白溝河卽
宋遼分界處

謹案霸州志渾河順治間決於新城之九花臺南
里諸口卽十一年事也縣志南里社城東北四十
里菊花臺城東二十里又齊王務村城東十五里
盧僧社口頭村城東南三十五里胥哥莊城東南
五十里十里鋪城南十里高橋縣南二十里然觀
明李庸所奏則永樂中早已害及新城矣

明實錄
宣德六

年正月順天府尹李庸奏永樂中渾河決新城縣之高從周口衝激泥沙遂以漸塞霸州桑園里牛家莊約四里餘旬年水漲無所通洩湧得倒流北灌海子凹牛欄等處其地不得耕種今雨未降請量起民丁預爲脩理從之

又南入雄縣之柴禾淀卽所謂西淀也

〔一統志〕柴禾淀在縣東南十餘里長三十里白溝河諸水皆滙於此淀 畿輔通志西淀跨雄新數邑之境自雄縣來者曰白溝河巨馬之下流也

〔雄縣志〕邑令姚文燮曰由東北而決雄之馬家務

洪城等村者涿之琉璃河胡良河渾河也光祿郭
守謙言其要在開茆兒灣之十王中亭二河以分
殺琉璃等河康熙七年七月地震大水渾河決盧
溝遂東奔雄縣先及高阜四溢村莊舊志載本邑
之何哥莊後遷宛平縣之龐哥莊龐哥莊淤塞不
可議復水發卒無故道可歸泛流成河不可勝計
向來民耕收穫之地今則帆檣四達衝佔甚多
陳決則漫入永清縣城之南而東入東安縣西界又

自固安縣南決入霸州境奪拒馬河之下尾而合易水

春明夢餘錄盧溝河一南至霸州合易水 王瓊

漕河志盧溝河又逕霸州苑家口 方輿紀要盧

溝河在東安縣西自東安縣流入境巨馬河在水

清縣南自霸州流逕東安縣境又東入縣界而注

於武清之三角淀卽盧溝河及易之下流也 永

清縣志明萬曆三年撫臣王一鶚修築河隄障水

東流三十三年復抵縣界直逼城垣

謹案巨馬河自定興縣東南北中易三水會於河陽渡名曰白溝河入新城容城二縣之境下入雄縣之柴禾淀與西北諸水相亂卽其在西淀之中亦不能確指何水爲巨馬之正派蓋不過隨其方位而斷之以爲巨馬河亦經由此地也藉曰合流亦在薊州城北卽是巨馬河之下尾不得延及於州東北境上夫巨馬卽涑水也

詳涑水篇

班志代郡廣

昌下分註云涑水東至容城入河又涑郡涑下分
註云桃水首受涑水分東至安次入河然則巨馬
於容城入河而桃水首受涑水乃於安次入河東
安之水爲桃水而非涑水矣故水經涑水篇云又
東北過渤海東平舒縣北東入於海酈道元注卽
明之曰地理志曰涑水東南至容城入河卽濡水
也蓋互以明會矣濡卽北易涑水舊與之合與今
水道無殊其爲桑乾所奪則元明以來之事又況

會大清河及霸州而傳送於陳淀支分益多下尾
愈隱古以信安之地爲劉琨拒石勒而得拒馬之
名本屬傅聞之謬酈道元注涑水以此事係之固
安之西南界且不及雄鄭之間何況益津以東乎
今永清縣在固安之東南霸州之東北巨馬河豈
能回繞曲折如此耶詳其逕道直是渾河而概以
巨馬之名易之也然自霸州而東北流則先經永
清後經東安蓋東安又在永清之東北矣若以爲

元時鳳河由東南一支出經東安而後入永清則
東安又非巨馬河所得行之道紀載如此何以傳
信今宜斷爲渾河故道而不當名之曰巨馬也釋
水者終當以漢志水經注爲正 又案霸州志渾
河明正德初在州南門外嘉靖中徙州城北後徙
固安縣北十里鋪其支流則自半壁店李家口繞
州東北境內鋪疙瘡白墳採木營遠信安

本朝順治中每決於固安之叵羅堡由州治西城北東

入清河後更決於新城之九花臺南里諸口而州城之西南竟成巨河矣康熙戊辰仍徙善來營入玉帶河俗謂之霸渾河半壁店在通濟橋西鋪疙瘡在城北二十里白墳村在城東二十里採木營在城東三十里善來營在城東南十五里

又南入保定文安二縣境

保定縣志渾河今自霸州西來由玉皇閣經臺山會玉帶河水達東淀 文安縣志水自霸州至者

爲廣陽水涿水范水鹽溝水盧溝河胡良河恒馬
河挾河琉璃河沙河龍泉河玉帶河磁河汊河霸
水共十五河其自霸州注者鹿疇下不數里至尸
頭村又會桑乾今改歸柳岔口琉璃等河共會於會通河
直射南隄此口頭所以易潰也以苑家口一河滙
巨浸者七十往時桑乾經方城北今經益津南注
會通河橫截西來諸水波濤湧溢益津首罹其災
餘波及於豐利矣渾河決口是益津受害固甚而

文安之受害尤甚康熙三十七年

命兵部尚書于成龍治理又

命總河王新命築下流隄岸加以椿葦四十年巡撫李光地

原任藩司黃性震僉事陳廷統督理成功霸州文
安得永無渾河之患

又南入大城縣界幾欲潰子牙河西北岸而與之合
大築隄防流乃東徙

文安縣志順治十年河決大城分汛

謹案大城縣志隄岸馬村口至三岔口共一萬三千四百二十丈協修隄岸霸州長屯南蘇家口一百一十丈又北蘇家口一百三十四丈程家口北岸五十五丈文安縣善安營隄六十丈武哥莊隄三百一十三丈保定縣靳家背後隄一百一十八丈栢木橋注窩隄四百七十丈皆防渾之隄也霸州志栢木橋在城南四十里康熙三十一年二月撫臣郭世隆奉

命修渾河故道先是渾河未經疏濬河道漸次迤西南出固

霸等州縣頻年水決

特命世隆詳勘興工於固安永清之北開渾河故道五十四里引河順流歸淀此實

本朝治河之始事迨三十七年另開新河旋改由霸州

之牛眼村柳岔口

霸州志柳岔口屬李二務在城東北七十二里文安縣志去口

頭村約七十里歸淀雍正四年又由王慶坨入長甸河經

三角淀注之河頭與清河會至天津三岔河由前

聖祖

世宗之規畫未之別有遷移也

河入海乾隆十六年改由冰窖放水今從北大隄
作爲下口康熙雍正年間兩次所開之河皆謂之
桑乾故道然下口雖改上游河身則仍遵

其西南一帶別派之河則有拚牛河在良鄉縣東南
鹽溝廣陽二水之會流也

上源詳
涑水篇

由縣城東南合流

爲三岔口南流至任村西南入大清河又任村之南

有新河

雍正四年怡賢親王蕭開

東南逕涿州東固安縣西北循

盧溝故道

即明永樂中改流迤嘉靖萬曆間屢徙於固安縣城西之故道

南逕霸州

之北落店南孟等村

霸州志屬永安里在城西北二十里

抵栲栳園霸州

志屬普來里在城東南十五里

入中亭河長二百里自是潦水有歸

後河改由良鄉縣之賈河村入琉璃河而下流中斷

其斷流在固安縣之華各莊起入東安永清二縣境

今存河身在霸州境僅二

十里有奇

謹案鹽溝廣陽二水合流爲三岔口一遇伏秋山

水漲發奔騰衝突故土人謂之牝牛河夏涿因壩
之間最被其害乾隆三年挑金門關引河與屯子
頭草壩減水等河分流又分東西二股卽用牝牛
河之故道蓋此爲渾河西南出之舊渠河流已涿
故終不可得而絕也

又引河在老君堂曰小清河

謹案河在老君堂之東康熙四十年三月郎中佛
保奏同分司色圖渾齊蘇勒履勘地勢以琉璃永

定之間有牯牛河一道源自西山佛耳門戒臺太子峪起三股河流匯於石楊村流至佟村入琉璃河永定河竹絡壩西北五里老君堂東南岸起至沙隄止開挖小清河一道導入永定河借清刷渾鐵狗此河遂廢

命巡撫李光地察看本年引河成乾隆二年大水漫決張家

金門閘減水河

乾隆三年開

起自閘口分水由良鄉縣屬

之韓家營西流入涿州之陶家營東逕北蔡南蔡西

又南逕白家莊西南入宛平縣長安城屯子頭草壩

引河之水入焉壩水起自白家莊東

康熙三十年開流三十七年開

新河出河遂廢乾隆二十五年建壩出水

流逕固安縣米各莊與金門關

河合長七百八十五丈四股自大小米各莊又南逕

崗頭村北召村南台村楊先務宮村丞相村蘇家橋

畢家莊分爲二四逕無量店王馬莊白的碾入新城

縣之東北界小王莊李各莊復東南入固安縣康家

務禮讓村屈家營桃園村馮村獨流村南小營柳林

莊入霸州北境之趙家務葉家莊亦曰蜈蚣河下入
新城縣東南界之官各莊復入霸州之杜各莊牛各

莊張貴莊抵六郎隄老隄頭歸中亭河長一百二十

里卽永定河合清河之故道

乾隆七年於固安縣西
分流處橫築柵亦大壩

以致淤塞河
形亦漸混矣東股自畢家莊東南流逕右各莊鄭家

莊荆堡北落堡曲溝嚴家務崔村南黃堡琉璃村半

邊店南流村牛垞店

卽牛
窩堡

林城鋪入霸州北境楊家

務碑落堡香營南孟金各莊十方院西栲栳圈歸中

亭河長八十餘里又自牛坨店向東分一支逕南趙各莊入永清縣西南境之楊家務北孟下入霸州陳廚營流逕鋪疙瘡採木營至高橋津水窪於下六工涵洞入東淀是爲黃家河

乾隆二十五年南岸三工漫溢河流淤塞二支昔爲

牝牛河所經由後牝牛河改於賈河村入琉璃河始爲減河所從出矣

謹案中亭一河向止分減玉帶之水暢達入定雖溼潦不爲害州南數十里向稱樂土自永定引河分流而入上下貫注本不甚大益以渾河不但

能容納抑且闔淤日積不數年河底漸高玉帶分
水時而斷絕乾隆十年水利工程將張青口月河
開挑分減玉帶河上流之勢而中間失此一段分
水之道一遇暴漲玉帶河水無所分洩永定引河
又復阻梗誠爲可慮中亭河向時舟楫通行後漸
淤積除伏秋而外一望平蕪栲栳圈木橋之下淤
土日高距橋梁僅尺許大加疏濬以免泛濫之患
誠宜亟籌者也

附永定減河圖說近永定河南

北岸各有減河以消水北岸自固安十里鋪至葛
漁城北岸長一百三里京南一帶瀝水并求賢胡
村二壩減河之水歸之又自葛漁城至蕭家莊北
埝外小河一道長四十七里接連減河歸入鳳河
均展拓寬深卽以所挑之土加培於各隄埝之上
南岸霸州牛眼村至馬家鋪土埝馬家鋪至龍尾
垣坡埝共長五十里河附埝外永澗一帶瀝水並
消涼與張仙務二壩減河之水歸之今間段淤塞

應挑者共約長二十七里又自龍尾以下至鳳河
十一里許并開挑成河以鳳河爲出路將減河所
挑之土加培舊埝龍尾以下新河所挑之土延緣
南岸堆積以障蔽東淀南北兩減河旣均歸鳳河
而永定河入沙淀葉淀之水又全恃鳳河爲下口
所有鳳河間段淺窄之處總計長十五里復開挑
一律深通俾宛平固安霸州永清東安武清瀝水
興永東下游俱藉鳳河轉輸入大清河全無阻闕

矣再金門開長安城壩下引河東股自畢家莊歸
津水窪長四十九里西股自金門開石壩至張貴
莊歸中亭河長一百二十里均加疏濬以消雨潦
及壩下分減之水

謹案南北岸減水河凡十有六具在南岸者爲良

鄉縣金門開

舊分二股乾隆十七年塞西股引東股

長安城固安縣

曹家務清涼寺永清縣郭家務雙營城張仙務馬

家鋪冰窖

今爲六丁尾乾隆十六年改爲出水下口

在北岸者爲宛平

縣求賢村固安縣胡林寺崔營盧家莊永清縣六

道口小惠家莊

以上二汛今歸北捻半截河

惟金門係石閘餘

皆草壩金門長安城之水直達玉帶中亭二河求賢村曹家務之水引入鳳河餘皆僅消隄內瀝水後因河流逼近恐奪溜爲患經河臣奏准隨時墾閉所存唯金門長安城求賢村盧家莊四河通水以消異漲後曾閉長安城西股蓋上游分水則下口漸弱沙停易淤也

界河

霸州志在州北一里上接盧溝下通東海卽宋遼分界處今淤

拒馬河

詳見前

霸州志拒馬河在州北自盧溝橋經州東合畧河復徙南孟店北至直沽入海今淤

小直沽

詳見前卷原委

謹案渾河雖決於西南而其下口必由天津以入

山海在東北衆水所歸故也今河由東南以趨東
北詎可任之西南出乎明代以來橫出之道大畧
見於此

又溪井之在宛平縣者曰百泉溪曰義井

二統志自泉溪在宛平縣西南十里鴈澤闔平地
有泉十餘穴匯而成溪東南流爲柳村河下流注
於盧溝河義井在宛平縣西十里或曰蜜井 采
娶燕石集百泉地卑泥濘四時不乾一僧誓填之

功未就旋壞 長安客話義井在天寧寺西十里
復十里至盧溝橋或曰留井相傳成祖駐蹕甘其
泉故名

畿輔安瀾志

王履泰恭纂

永定河卷四

隄防

遼左奕隄

二統志左奕隄在東安縣西四十里遼時謂之西
隄七里在縣東八里遼時謂之東隄

謹案遼史不志河渠其隄防亦無可考二隄今爲

三才圖會卷之八
啞吧龍河二水所經蓋舊渾河故道也

金盧溝隄

金史張大節傳大定中盧溝水嘴安次承詔護視
隄成摺修內司使 又河渠志明昌三年六月盧
溝隄決右拾遺路鐸上疏言當從水勢分流以行
不必修補元同口以下可村以上舊隄上命宰臣
議之

元渾河隄

元史本紀世祖至元六年十二月築東安漚河隄
九年十月築渾河隄成宗大德六年春正月築渾
河隄長八十里夏四月修盧溝上流石景山河隄
仁宗延祐二年春正月霖雨壞渾河隄英宗至治
二年六月修渾河隄泰定帝泰定元年夏四月發
兵民築渾河隄文宗至順元年七月調諸衛卒築
柳林海子隄堰 又河渠志太宗七年劉冲祿言
率水工三百餘人已依期築閉盧溝河元破牙梳

口至大二年十月渾河左都威衛營西大隄泛溢

南流皇慶元年東安州言渾河水溢決黃塢隄一

十七所

謹案一統志黃塢是在東安縣南四十里
洮河鎮之南俗呼黃家隄東安縣志待清

樓在五里村渾河東岸元皇慶元
年建常駐此修河隄行勞工禮 延祐元年六月

渾河決武清縣劉家莊隄口三年三月省議渾河

決隄堰差官相視上自石徑山金口下至武清縣

界舊隄七年五月都水監委濠寨會營田提舉司

官武清縣官督夫修完廣賦屯北陷薄隄一處計

二千五百工永興屯隄北隄低薄一處計四千一
百六十六工落堡村西沖地一處計三千七百三
十三工永興屯北崩地一處計六千五百十八工
北王村莊西河東岸至白墳兒南至韓村西道口
計六千九十三工劉邢莊西河東岸北至寶僧百
戶屯南至白墳兒計三萬七百七十二工總用工五
萬五千七百二十工 元王暉渾河泛溢請修治
隄堰事狀畧伏自今月內武清縣北鄉按部回至

洪濟鎮值渾河泛漲東南至孫家務西北至水鎮
南東西橫亘約十餘里其隄堰低狹高濶不過丈
餘年深頽剝衝瀆一土埭而已河水伏槽時視隄
南平地尙不數尺兼土脈疎弱水性善崩黃貓野
鼠穿穴又多固不足以禦患捍水衝就聞得孫家
務去秋已被災傷外據鄆陰縣東北沙澗口等處
略與武清縣北鄉事勢相同卽自縣西北近河隄
甬田已在水中合無專令各縣正官一員晝夜巡

防提備破決才候農隙如法脩築以絕水患

明高粱河隄

此係故道
支麓隄

帝京景物畧水從高粱橋而西過橋爲湖界以長隄湖在隄西南稻田豆場在隄南曰西隄者城西隄也

渾河隄

明實錄成祖永樂七年六月固安縣渾河決賀家口十五年閏五月修固安縣孫家口隄岸仁宗洪

熙元年七月水決盧溝橋東狼窩口岸二百餘丈
宣宗宣德三年六月渾河水溢衝決盧溝河隄一
百餘丈六年六月順天府固安縣奏今夏久雨渾
水漲溢衝決徐家等口九年六月水決渾河東岸
自狼窩口至小屯廠英宗正統元年七月命行在
工部左侍郎李庸修狼窩口等處隄先是大雨決
甸水溢渾河狼窩口及盧溝橋小屯廠西湖東色
口高粱等閘隄岸皆決命庸治之四年六月小屯

厰西隄爲渾河水所決八月久雨白溝渾河二水
溢決順天府保定縣及保定府安州隄五十餘處
憲宗成化七年二月修築盧溝橋隄岸八年六月
渾河水溢固安縣張家口賈家口等隄十一年六
月渾河水泛賈家口張家口隄決武宗正德元年
二月命工部修盧溝隄岸世宗嘉靖四十一年八
月盧溝西南隄壞命工部侍郎雷禮往視禮還上
修築事宜謂宜先疏濬大河令水歸故道然後繕

築長隄其決口地里土浮水深流急人力難施而
西岸有故隄約長八百丈宜接遺址繕築橋東西
岸甃石不堅當俟決隄工完繕治 又河渠志桑
乾上流在西山後者盈涸無定不爲害下流在西
山前者泛濫害稼畿封病之隄防急焉永樂四年
修固安保定荆堡河口宣德六年順天府尹言永
樂中渾河決新城高從周口遂至淤塞霸州桑園
里上下每年水漲無所洩漫湧倒流北灌海子四

牛欄佃請亟修築從之景泰六年修固安楊家等
口決隄宏治二年決楊木廠隄正德元年築狼窩
口決口 永部備考盧溝河永樂正統間狼窩口大
決爲京師患屢常修築宏治二年發軍民夫治之
至嘉靖三十年以後東洋隄決幾二十處於是以
三十五年興工次年橋工告成是河安流者數歲
四十一年西南又決復行修理岸始堅

又宛平縣西南渾河隄一名固安隄

方輿紀要盧溝河又東南爲白狼箠口舊築隄於此袤一百六十餘丈曰固安隄 固安縣志明天順初渾河在縣西二十餘里楊僊務北自盧溝橋流入縣境時當水溢縣丞王瑛請借鄰境夫萬餘修東岸隄堰北自良鄉縣界南抵霸州界百餘里直如引繩高如邱阜上植榆柳久之根盤土固水循故道成化初甄家等口潰決水患相仍邑侯李端量借屯種軍併力築砌而隄防復固萬厯中渾

河潰溢邑侯周文謨復築大隄及護城隄四十一
年邑侯孫延良因水勢泛溢將護城隄因舊制重
築之高二丈有餘兩行植柳至今森秀茂密 明

大學士楊榮修固安隄記畧盧溝橋下流十五里
距盧溝河不遠有曰狼窩口時復衝決漫流而東
屢常修築輒復頽圯天子命工部侍郎李庸內官
監少監姜山義往任厥事復命太監阮安少保工
部尙書吳申總其事經始於正統元年冬工畢於

二年夏間凡用夫匠二萬餘月給糧餉以萬計累石重甃培植加厚崇二丈三尺廣如之延袤一百六十五丈視昔益堅旣告成賜名固安隄命置守戶者二十家建神祠於上明張昇重修盧溝橋河隄記畧盧溝橋在京師郭外乃桑乾河所經河合太行諸山之水其流峻急漲則動成衝決往來之人阻滯曠日正統元年春有司以河決聞兩隄計十有一所延袤千有二百丈命內監蕭通襄城

伯李鄜工部尚書曾鑑偕往遣官屬隨地遠近分
治稅夫三千傭借公八百肆於是年三月十一日
不數月功成 明大學士袁煒修盧溝河隄記畧
盧溝河襟帶都城之西頃年沙洲突起下流填淤
水失其故道潰隄而決走西南百餘里事聞爰遣
工部尚書雷禮暨掌禮部尚書徐果等相度規畫
上其事宜上敕帑銀三萬五千兩有餘而勅大監
張崇侍郎呂光洵指揮同知張鐸御史雷稽古董

其役仍令禮月一往視經始於嘉靖壬戌秋九月
報成於癸亥夏四月凡爲隄延袤一千二百丈高
一丈有奇廣倍之較昔所修築堅固什百

又永清縣潭河隄

永清縣志萬曆三年撫臣王一鶚監司錢藻修築
河隄延袤五十餘里障水東流 明御史武尙賢
築隄建祠碑記畧歲乙亥春役民不滿三千用力
不浹月而廣址崇墉延袤以里計者四十有奇焉

先是白堡新務二口南射視他患爲尤甚首及於
是他工計日興工偉功厚德安可忘也遂卜地於
城南剏祠肖像而紀其事

護城隄

永清縣志沿城隄堰周圍三千六百步明嘉靖四
十二年知縣馮鑑剏建萬曆三十五年知縣李懋
德增修三十九年知縣王嘉績重修種柳

沿河隄明築

本朝重修

雄縣志在大陰村

謹案雄縣東南五里曰大陰村曰龍華村曰上村

河由城東南龍王廟前逕滌夏鎮縣東十五里折而南

逕上村龍華村縣東南四十五里西至大陰村抵王家房

出境其北來之水由馬務頭分支逕道務村龍灣

滙流於此順治十八年渾河水漲大陰村南隄決

口長八十一度東隄決口長三十六度齊觀村決

隄長三千六百六十度楊家村大河口決隄長九

十二度

縣東南八十五里

王村以南隄決口長一千零五

十度王村口橫隄決口長二千八百二十度上村

下村隄決口長二千三百二十九度龍華村北橫

隄決口長一千五百八十四度留通村西隄決口

長三千三十三度李郎村西隄決口長二千一百

七十度遣工部巴連筆帖式多奈鐵黃旗阿達哈

哈番喝達洪蒙古阿達哈哈番明安漢軍佐領章

京聶大鼎同易州兵備道僉事韓璵知縣玉鼎鼐
賚金二萬四千七百四十一兩修之康熙四年龍
華上村下村王村口隄又決遣員外郎世塔筆帖
式羅什通事賈得功同知縣劉秉忠修隄四千九
百度又代任邱縣修四百度立滿漢字碑一通共
用金七千一百二十三兩二錢六年又決知縣戚
重進賠修此隄本以障白溝河之水後爲渾河所
衝決 雄縣志康熙八年重修何哥莊隄張哥莊

隄後知縣姚文燮又修亞谷城四樓郝家莊太謝
東西楊村馬家莊黃灣常董莊古縣村西槐村河
哥莊邢趙莊張哥莊史哥莊等隄

老隄

保定縣志西北起迤東南卜家莊止 明劉克家

陸公隄記畧保隄障河之南地東西長二百餘里
獨保隄中央首受衝而同患則爲六州縣之隄也
陸公來視保邑率本縣民先之旋關文大照汎修

理而大城之汎如靳家背後基窄土薄此百餘丈
之口置焉弗講雖別汎固若金城何益公代大城
募築既堅且厚外加女隄移於舊隄之南百步區
畫決口十餘處皆當衝險咸中機宜隄成皆感公
之勞曰此陸公隄也公諱光旭壬辰進士嘉興平

湖人

臨津隄

一統志在朔州東七十里高橋淀側自涿州東境

接固安至州之苑家口綿延四十里明宏治十一年築明顧清臨津隄記畧宏治戊午東魯劉珩來治是邦築河隄起涿州東境接固安楊先務劉堡等村至州之趙務村臨津水口經州南關過保定文安蘇家橋抵大城之辛張口廣尋有二尺址倍之崇丈有八尺旁植柳以爲固其間爲水口者一百八十有七隄旣成水乃無患

謹案方輿紀要高橋淀在縣東七十里周三十里

爲栲栳園衆流所聚也州壤卑下西北諸山之水
多滙於州境然後東流出丁字沽注白河以入於
海宏治中築河隄以防橫溢

黃堡口隄

霸州志毛實浙江餘姚人進士宏治九年任水溢
爲害築隄禦之 毛奇齡白昂傳毛實知霸州以
霸州爲九河之區多水患乃自黃堡口至清河口
共築隄九十餘里以防桑乾之衝自莫金口至苑

家口共築隄三十餘里以遏中亭河之衝皆受昂
指云 明侍郎王華新築霸州河隄記畧霸爲州
距京師南二百餘里厥壤卑下凡西北諸河之水
悉經流於此以東注於海每夏秋霖潦衆水必會
輒成巨浸毛侯下車之初乃度地勢距州治北四
十餘里去舊防百步許循地築隄以殺下流之湍
悍障衆水而東之肇功於乙卯二月至四月告成
東西緇亘十餘里河流其道原野其饗

沙城邑

霸州志在南孟店北一里西至臨津固安界白廟
東抵青口永清縣界信安鎮綿亘八十里洪武癸
亥知州梁伯常築萬厯甲戌副使錢藻增修

萬家隄

霸州志在城南二里許

謹案宋史列傳楊應詢知霸州塘梁之間地沮洳
水漲易集居人浮板以濟應詢增隄防濬其旁以

洩流民利賴之蓋霸之有隄舊矣

高哥莊隄

霸州志自州南關抵平曲村明宏治丙辰知州毛

實築以障渾河萬曆丙辰副使錢藻增築

平曲城

在城東二十五里漢景帝封公孫渾和爲平曲侯以此

高哥莊隄

霸州志在城東三里自圈里村抵菜園村勢如伏

龍明知州劉珩築

白墳隄

霸州志南自煎茶鋪

煎茶鋪河見清河東從篇

北抵白墳明萬

厯甲戌副使錢藻築

明尚書王遴霸州隄報功

祠記畧余郡暨永清文安二邑咸在京師之南天

津之西凡雲朔恒代諸山之水由天津入海必

經流余郡與二邑而二邑多大陸巨阜惟余郡最

下獨當其衝在郡之南爲苑家口有前兵憲陸公

新開楛柶圍河以渡之矣在郡之北有渾河受諸

山之水夏秋間洶湧浩蕩三河實不能容萬歷三
年春兵憲錢南自郡之山川壇起由栲栳園臺山
平山至砌各莊而止北自南孟由鋪疙瘡張家莊
頭五間房採水營至青口而止申自康莊由煎茶
鋪沙窩窰家口趙哥莊田家口萊園至信安城而
止西自菊花臺由廸家莊魏家營井哥莊老隄五
家樓至栲栳圈而止築隄計一百二十里不三日
功成水不爲災陸名坤陝西蘭州人嘉靖乙未進

土錢名藻南直如阜人嘉靖己未進士

長隄

東安縣志在縣南四十里有隄自甄家莊逕葛漁城穆家口形如偃月綿亘將二十里南界淀河北界減河舊志萬曆二年積雨河溢人畜河知縣洪一模力請築隄成無患畿輔通志元年四月修

青楊隄在桃河鎮之東南今村名青楊樹

馬家隄在桃河鎮東

于家隄在葛漁城之南

劉家隄在四十畝口之南

魏家隄在縣治之北

燕王隄在戶子壕南五十里

朱村隄在縣正西八里

盧家七字隄在城東南十二里

以上皆見
東安縣志

謹案以上古廢隄渾河隄岸歷遼金元明歷彼水

衝斷續相間雖有修治終無數十年之久自康熙
三十七年新開永定河并修築南北兩岸隄工前
代舊防或廢或存皆成故迹矣